

SA
4/2/20

Nelayan asing dicekup, udang geragau dirampas M/S 13



PPM Pelabuhan Klang menahan tiga warga Indonesia yang sedang mencari hasil laut di perairan Laut Sungai Besar, Selangor kelmarin.

SUNGAI BESAR - Kegiatan nelayan warga asing yang sedang mencari hasil laut pada kedudukan jarak 2.2 batu nautika dari Sungai Besar di sini dipatahkan Pasukan Polis Marin (PPM) dalam Op Gelora pada Sabtu lalu.

Pegawai Pemerintah Markas Operasi PPM Pelabuhan Klang, Deputy Superintendent Hazri Zakaria berkata, tiga warga Indonesia berusia lingkungan 40-an telah ditahan dalam operasi kira-kira jam 1.45 petang itu.

“Siasatan mendapati seorang daripada mereka adalah tekong dan dua lagi awak-awak.

“Pemeriksaan lanjut menemui kira-kira 30 kilo-

gram udang geragau yang dianggarkan bernilai RM500 hasil daripada kegiatan warga asing terbabit. Hasil laut itu telah dirampas untuk siasatan lanjut,” katanya kepada *Sinar Harian* semalam.

Beliau berkata, pemeriksaan awal mendapati bot pukut tunda kelas B yang digunakan warga asing terbabit adalah milik warga tempatan.

Katanya, dipercayai warga asing itu telah aktif sejak enam bulan lalu dan diupah pemilik bot terbabit untuk mencari hasil laut.

“Kes telah diserahkan kepada Pegawai Penyiasat Jabatan Perikanan Kuala Selangor untuk tindakan selanjutnya,” katanya.